

建寧府志卷之四十五

藝文

題詠一

五言古

北苑十詠

建安

宋蔡襄

出東門向北苑路

曉行東城隅光華着諸物溪漲浪花生山晴鳥聲出  
稍稍見人煙川原正蒼鬱

北苑

蒼山走十里斗落分兩臂靈泉出池清嘉卉得天味

建寧府志

卷之四十五

五言古一

李

入門脫世氛官曹真傲吏

茶籠

造化曾無私亦有意所加夜雨作春力朝雲護日華  
千萬碧玉枝戢戢抽靈芽

采茶

春衫逐紅旗散入青林下陰崖喜先至新苗漸盈把  
競携筠籠歸更帶山雨寫

造茶

胥玉寸陰間搏金新範裏規呈月正圓勢動龍初起





出香色全爭誇火候是

試茶

兎毫紫甌新  
鱗眼青泉煮  
雪凍乍成花  
雲閑未垂縷  
願爾池中波  
去作人間雨

御井

山好水亦珍  
清切甘如醴  
朱榦待方空  
玉壁見深底  
忽爲先竭憂  
嚴扃有時啓

龍塘

泉水循除鳴  
中坻龍矯首  
振足化仙陂  
回睛窺畫牖

建寧府志

卷四十五

五言古

二

季

應當歲時旱  
噓吸雷雲走

鳳池

靈禽不世下  
刻像成羽翼  
且類醴泉飲  
豈復高梧息  
似有飛鳴心  
六合定何適

修貢亭

清晨掛朝衣  
盥手署新茗  
騰蚪守金鑰  
疾騎穿雲嶺  
修貢貴謹嚴  
作詩諭遠

玉溪八詠

甌寧

玉溪風月

明馮回



上溪瀆清源安流靜無波修梁旣虹跨層軒亦星羅  
背月麗衡漢微風動瓊柯長溜噴新響短簫逐酣歌  
石壁雲煙

石壁凌層隅蒼然宛如削乃知開闢有匪爲金牛鑿  
雲滿澗石陰日出煙光薄碣石已漂淪巨鰲焉可託  
誓同餐霞人共營西山藥

龍陂春水

澄波繞雲麓叅差龍鱗渙春冬有羸縮澹滌無瀟漫  
鯨鯉恣遊揚鳧鷖相散亂洪河詎不廣決齧徒爲患  
焉知只尺流百頃資溉灌

牛山夕照

陟彼牛山巔憑虛縱遐觀羣峯紛在矚邈若升雲漢  
俯視井邑人營營幾遷換爽鳩苟已徂繁華竟雲散  
始知晏子賢能弭齊侯歎

西林喬木

西林有喬木秀色無春冬深根盤厚地高柯拂蒼穹  
西枝淪曉白東枝掛朝紅郢氏豈不顧材大難爲庸  
終同夸父杖迴薄凌天風



北嶺孤松

孤生北嶺松特立煙霞外百尺傍無枝亭亭若車蓋  
下伏鳥獸形上與風雲會四時清陰敷元鶴紛來萃  
行人惜不去佇立聽竽籟

峽橋泉響

峽中石梁橫下有流泉注鏗錚觴澗迴澍汨隨波去  
泠泠拈下彈歷歷絃中語伯牙既已矣嵇康不復遇  
誰能抱絲桐寫此靜中趣

野寺鐘聲

招提矗雲構杳在北山麓羣峯倏將暝踈鐘如斷續  
鏗鉤入雲漢迢迢出空谷行客逐徒侶居人候樵牧  
四顧層陰生蒼煙起虛曲

遊龍潭

建陽

宋劉子翬

四客同笑言一僧陪杖屨徜徉山水窟適意忘晨暮  
踈鐘北巖寺細竹溪南路中流石參差不礙潺湲注  
泓澄一龍潭潤氣金碧聚時驚木葉墜俯見雲影度  
斯遊非預期偶爾造佳處幼輿丘壑情陶令琴觴趣  
留慰所願惟以賓友故夕陽淡寒山遲回不能去



容膝軒 在考亭

朱松

淵明乃畸人遊戲於塵寰南窓歸徙倚宇宙容膝間  
豈不念斗米折腰諒匪安是非無今昨飛倦會須還  
國器青雲姿逸志追孔鸞曲肱數椽底向友千載前  
規模琴書室料理松菊緣心遊萬物表了覺函丈寬  
念君方適越昔至誰云然要知丘壑志本出軒裳先  
瑣闥麗宸居追飛不云艱回車莫待遠泉石聞此言  
早發潭溪西登雲谷取道芹溪友人丘子野留  
宿因題芹溪小隱貽之作詩以記其事

建寧府志

卷之四十五

五言古

五

三百二十六

禾

宋熹

我來屏山下奔走倦僮僕亭亭日己中冠巾濕如沐  
訪我芹溪翁解裝留憩宿茗盃淪甘寒溫泉試新浴  
抖擻神氣清散步指節竹廬峯在瞻望隱隱見雲谷  
頓覺塵慮空豁然洗心目君居硯山西高隱志不俗  
窓几列琴書庭臯富花木往來數相過主賓情意熟  
開樽酌香醪馨歎話衷曲從容出妙句滿幅燦珠玉  
逸約登赫曦襟期伴幽獨茲遊得良朋道義推前夙  
子爲留題深愧手雖秃



登廬峯

廬山一何高上上不可盡我行獨忘疲泉石有招  
須臾出蒙密矯首眺無吟已謂極崢嶸仰視猶隱嶙  
新齋小休憇餘力更勉迤東峯切霄漢首夏正凄緊  
杖策同攀躋極目散幽窟萬里俯連環千重瞰孤隼  
因知平生懷未與塵慮泯歸塗采薇蕨晚餉雜蔬苟  
笑謂同來人此願天所允獨行會淹留寒棲甘菌蠢  
山阿子慕予無憂勒田軫

寓浮翠亭

和劉叔通韻

建寧府志

卷之四十五

五言古一

六

二百六十八

弱植有孤念獨往窮名山那知歲月逝白首塵埃間  
今朝定何期憑高睨清灣羣賢亦戾止共此一日閑  
晤言不知疲林鳥昏飛還勝踐可無紀重來諒非艱  
留語巖上石毋使門嘗關

和

黃 幹

涼風振幽壑陰雲翳前山高情勵清秋適意林莽間  
煙橫萬家井水淨雙溪灣徙倚暮忘歸人境相與閒  
遊子獨何為千里方言還陪此杖屨遊忘彼道路艱  
心期更他日依巖結柴關



遊西山

蔡沉

紫荆相依倚綠篠自蒙密秋蘭澗中花山果路邊實  
沿岡引霜藤臨流坐寒石日暮陰崖開雲收遠山出  
踈籬尚存菊荒庭舊垂橘絲桐想虛堂簡策見靜室  
俯仰今幾時漫然已陳跡摩挲蒼苔痕屐齒不可識

潭溪十七詠

崇安

悠然堂

宋劉子翬

吾廬猶未完作意創此堂悠然見南山高風邈相望  
賓至聊共娛無賓自徜徉

建寧府志

卷之四五

五言古

七

二百四

承

海棠洲

煌煌海棠洲錦樹臨溪灣常恨灣頭風吹花走潺湲  
潺湲去不息花亦無由還

醒心泉

藤蘿撥不開石竇一鑑明携瓢酌清甘溲然瑩心情  
我病不能酌時來聽泠泠

懷新亭

茅簷入竹低曠野時寓目寂寂農家春新秧滿田綠  
何時稻登場秋山響蓬樸



宴坐巖

青青槐樹林下蔭蒼蘚石幽人宴坐時懷抱忘其適  
不見莫樵歸寒山雨中碧

山館

春林遶舍青門館終日靜吾心樂有餘所寓皆勝境  
更擊亭下池溶溶浸山影

涼陰軒

北窓何所見踈竹雜遙岑涼颺思有無虛簷動蕭森  
此興何由盡移床入翠陰

建寧府志

卷四十五

五言古一

八

二百〇八

禾

橘林

木奴困新移憔悴雪霜侵呼童剪其顛割愛慮已深  
會待春氣回青枝補故林

蓮池

蓮池一畝餘瀾瀾吞衆流花繁不近堤欲往無方舟  
不及池中魚隨波自沉浮

南溪

聊爲溪上游一步一回顧悠悠出山水浩浩無停注  
惟有舊溪聲萬古流不去



早賦堂

南溪抱山流潤氣滋林麓平生歸歎心寄老一堂是  
夢破午窓夢清風在寒竹

橫秋閣

秋山萬尺深影落杯酒中登臨豈不佳寒色見遠空  
未忘天下憂邊塵起秋風

萬石亭

嵐光近却無一徑緣崖斷危亭勢欲飛翠石雲中亂  
小心闕清遊懷人發長歎

建寧府志

卷之四十五

五言古

九

二百三十一

桂巖

山中多桂樹亭亭傍幽巖微風發秋香十里穿松杉  
誰歌招隱詞吾生付長鏡

百花臺

森沈徑易迷措筇為徘徊何處春光多時登百花臺  
主人澹無情林花為誰開

醯醢洞

不愛醯醢花愛此醯醢樹青條含露滋輕陰覆行路  
畫水倦尋書時來散幽步



意遠亭

雨餘陂水平徒倚聊一望歸雲淡欲無宇宙何清曠  
吾心遊太虛聊寄此亭上

過胡文定宅

宋張栻

入門認碧溪循流識深源念我昔此來及今七寒暄  
人事經幾變寒花故猶存堂堂武夷翁道義世所尊  
永袖霖雨手琴書貫丘園當時經行地尙想笑語溫  
愛此亭下水炯若玻璃盤晴時浪花湧靜見潛鱗翻  
朝昏遞日月俯仰鑑乾坤因之發深感倚檻更無言

建寧府志

卷之五

五言古

十

三百

風泉亭

宋朱熹

澗谷居永久高情未云酬茲焉發天秘始造寒巖幽  
上有茂樹陰下有清泉流結茅倚巖峭鑿磴窮嵌丘  
翠壁自屏立青蘚亦環周竭來憇永夏凜若臨清秋  
仰空詠笙竽俯檻鏘琳瑯幽聽一以會悠然與神謀  
遐哉超世心暇日聊娛憂笑問車馬客誰能此淹留

宿武夷觀

宋劉說道

度溪造靈境臺殿隱山曲虛堂留白雲今夕得同宿  
扁舟計已具清曉泛春綠



昇真觀

琳館鬱巖崑四面俱絕壁危梯不凌雲愧我老無力  
何當求靈丹一服生羽翼

玉女峯

嘉名寔世想竒態由天造亭亭照綠水獨立為誰好  
口口看遊人遊人還自老

僊館巖

蒼崖闕仙館時有讀書聲餘韻出林表泠泠清風生  
從之不可得悵然傷我情

建寧府志

卷之四十五

五言古一

十一

二百

靈巖一線天

巖外天自寬巖中景如暮忽然通一線虛明亘今古  
誰欲論先天本來無一字

天柱峯

高標凌穹蒼卓爾信竒絕雄鎮東南維萬古終不滅  
我欲借虹橋峯頭玩秋月昔聞有羣仙共浴清冷水  
直上千仞岡霞霞蔽其體亦欲脫垢衣飄然挹袂去

泛九曲溪

明 吳國倫

林端日已歆心賞未云足言携武夷君泛此雲溪



牽微瀾鳴柳應虛谷坐愜鬱氣澄行驚練光  
深掛巖柯虹蜺飲沙麓夾水羅羣峯參差三十一  
絕壁鮮棲禽云有仙人屋仙去無選期微茫瞻遺躅

登武夷

名山奠南嶼甲觀浮雲齊上闔羣仙府下纏九曲谿  
琪樹榮青林文鳥翔丹梯出沒霏露間永日恣攀躋  
金光吐靈穴真氣耿不迷何當遇錢鏐挾我霞外棲  
楚楚黃冠子抵掌譚刀圭豈其大丹訣乃托空筌蹠

仙陽亭

浦城

梁江淹

建寧府志

卷之四五

五言古

十一

二百二十

擘淚訪亭候茲地乃閩城萬古通漢使千載連吳兵  
瑤磧雙嶽翠銅山鬱縱橫方水埋金艘圓岸伏丹瓊  
下視雄虹照俯看彩霞明桂枝空命折煙氣坐自驚  
劍逕差前檢岷山慙舊名伊我從霜露僕御復孤征  
楚客心命絕一願聞越聲

看松菴

明陶安

太古有積翠怪虬託窟穴皮鱗老閱歲髯髮硬如戟  
晝劈晴雲開夜攫明月食偃躍天可依忍冷冬不釐  
路絕人罕到一士臥空壁每從晨啓扉終日對森



相看久無厭稚子笑成癖憶昔初看時  
松盡經歷涼陰竅窓几深黛滴巖石無乃肉眼觀玩物猶滯迹  
邇來坐庵中一松了無覲不在形色求能以神氣得  
堅朴藏大用後凋秉天德幽懷與俱化此境遂真適  
好風忽相過清音起冥寂

環中亭

葉葵

羣山四迴抱規旋若環中坤維圍元化虛汜涵鴻濛  
丹葩耀玄圃蒼崖列崇墉八窓濕空翠室春融融  
幽人理瑤徽坐石彈松風棋聲清畫金玉相撞春

建寧府志

卷之四十五

五言古

七

二百九十五

舉觴引流霞延目送飛鴻游心無端倪循環亦何窮  
倚欄發長嘯白雲起前峯

政和十詠

白雲精舍

明趙迪

幽齋白雲裏苔徑隱林樾空庭落葉多深竹書聲歇  
賢人久不過前修跡蕪沒涼飈響疎林猶疑絃誦發  
滿月洞天

洞天絕人境清輝夜常滿松際天影寒洞口林光散  
仙人煉鼎處石竈雲猶暖風篁如笙鸞時見彩雲斷



風山龍井

瑤峯有神井龍潛不可測苔沒古甃深草膜寒泉  
詎非泰華峯猶疑蘓耽宅仙人胡不歸惟餘此靈跡

天柱獅巖

峇嶷天柱峯幽巖如白澤形若神獸蹲影類巨鰲立  
日出陽崖紅雲歸陰林黑詎非鑿混茫猶如神禹跡

銅盤夜月

麻姑承露盤歲久化為石若人羽化去留此知何日  
苔滋古色深露滴寒光白惟有月明時清輝照如昔

建寧府志

卷之四十五

五言古

十四

二百八十

茂

文筆曉雲

奇峯碧若珪晴雲白如練溶溶雨外來靄靄林中見  
秀色殊可人浮嵐映花縣甘棠庭訟清爽氣令人羨

獎阜叢林

沉沉青蓮宅隱隱聞疎鐘桂殿芳薜碧蘭堦落葉紅  
經聲出深竹石瀨鳴寒松東林有佳興解綬來相從

洞宮丹室

仙人有丹室遙隔翠微裏石鼎雲影紅星壇霞氣紫  
散暮聲壁月落秋水靈跡今尚存神光夜中起



禪巖夕照

空巖夕照來寒入野僧定歸鳥帶殘光連雲度蘿徑  
禪房掩暮山楓林起煙磬幽人獨去來凭軒足清聽

星水朝霞

旭日升東林初照星溪水晴光散彩雲餘影亂成綺  
隱映桃花潭香靄武陵水羣齋有精舍空山何處是

雲根書院遺址

明 郭斯扈

太極一以開陰陽互推遷萬化何紛紛不復知本源

大道既茫茫遂有元與禪捷徑生荆棘行者始多顛

建寧府志

卷之四十五

五言古

十五

二百四十四

像教由茲起乃復增塵緣我思魯中叟上繼勳華傳

精一允執中昭如日麗天遺經細披閱篇篇皆實言

夫何三代下舉世相棄捐



藝文

題詠七

排律

送正言楊學士億之任縉雲

宋 王禹偁

弱冠珥朝簪 堪宜翰林重  
違君厚遇聊奉母歡心  
筆削留惇史囊裝貯賜金  
帆張淞河濶山對括蒼深  
暫欲趨朝馬垂問故國禽  
幽蘭南澗採滑酒北堂斟  
務簡慵開閣家豐不典琴  
綵衣方侍養紅藥卽供吟  
我占掖垣久自驚年鬢侵  
妨賢兼罔極相送淚盈襟

建寧府志

卷之四五

題詠排律七

二百八

銅鉢山

徐 輔

山勢接諸天鐘聲謁老禪  
逃空因有相出世豈無緣  
萬事浮雲外三生古道邊  
閒依點首石靜軟醒心泉  
林蔓青絲棘池搖白羽蓮  
登臺觀日出汲井駭龍眠  
銅鉢今猶在紅爐久尙然  
卻憐迷路客塵海未歸船  
登湛盧有感并引

明 汪 玠

予公幹至松溪事竣邑尹豸山黃君進曰距縣治  
一舍許山曰湛盧嶺崧峯嶺朱子嘗杖屨焉請一  
遊乎予時方病肺因思此山爲我朱子所不棄必



奇峭秀麗可喜可愕可棲可觀可以盪精神滌沉  
疴爲諾曰往哉次晨出南門容與至山麓遊興益  
銳直躋其巔西顧空洞重岡複嶺秀巘奇峯聯青  
絡翠蜿蜒於百里者交湊目前應接弗暇返顧松  
邑若在鳥下瓦屋鱗鱗女城齒齒掩映於煙樹霞  
靄間郭外良田秋稻青黃相雜河流滌洞若帶經  
於其中隱然如圖畫退訪朱子遺蹟蕪沒無徵惟  
佛子舍三區森然出林表予俯慨久之時同遊鄉  
太守暄峯葉君邑學博平樂廖君司訓浦江鄭君

建寧府志

卷之四十五

題詠排律七

二

三百六十一

肖

臨川徐君鄉進士范君暨予與豸山爲七人焉因  
成排律一首識其事時丙申重九前五日也

偶爾乘公暇飄然到上方直揆神禹穴暫憩贊公房  
翠嶽襟南海崖崧接上蒼叢蘿風細細幽澗水浪浪  
巢老鶴雛長林淡瑤草芳行行看鳥背曲曲轉羊腸  
日極天垂地坐餘雲滿床石奇虎踞松古應龍翔  
諸阜咸兒輩孤嵩是鴈行憑軒朱鳥近拂徑紫芝香  
沈瀝侵衣冷琅玕蔭座涼靜觀忘俗慮行處助詩狂  
盤谷乾坤迴天池歲月長諸君同倡和此日共徜徉



千古成蒼狗傷今覩餼羊前賢遺軌範後學念羨墻  
道脉傳洙泗人豪仰紫陽杖藜蹤蹟處山谷斗星光  
林莽嗟斜徑書齋幻佛堂山靈蒙厚恥宦迹幾驚傷  
抗疏慚韓子祛祠慕狄梁此行端有繼應不爲遊荒

和

鄭廷綬

劔化山仍在巘岈甲一方登臨多上客割據有僧房  
秋入川原淨煙舍竹樹蒼幢翻巖氣溼磬雜水聲浪  
林欬時矜捷園花謾闌芳風來清酒思地迴豁詩腸  
幽討窮泉竇閭眠

建寧府志

卷之七

題詩掛律七

三

三百四十五

肖

氣秀連蓬島根蟠接太行披圖昭物象拂袖挹天香  
勝賞宏開宴忘歸飲晚涼與人非獨樂宜俗未爲狂  
興共層霄遠情牽萬里長俊才方逸發佳境足徜徉  
經濟超冒兔威儀竝羔羊異端多黜聖吾道沒宮墻  
返舍回殘照揮戈仗魯陽潤崖增玉暈媚澤產珠光  
大雅還千古祥星聚一堂鳴岡占鳳至返袂息麟傷  
尼父能與魯鄒軻獲遇梁再遊應改色聖化接遐荒

從登湛盧

明

黃金

南國富形勝茲山特傑魁簪纓閒陟覽杖履喜從隨



人在半空立江從萬里來陬維舉日盡煙霧笑談開  
百頃青黃繪千重紫翠堆搜奇方踴躍感古卻遲回  
歐冶難逢已紫陽安在哉五龍腥咬血六籍撥坑灰  
氣自擅清淑俗憐迷幻厖儒宮淪寂寞梵刹壓崔嵬  
劔井何曾涸仙葩異衆栽神靈發間代佐理足英才  
興逸凌高鳥情忘踞綠苔遊荒還其戒笑獨尙堪哀  
白雪人稀和青雲騎倦回題名聯片石飛焰燭三台  
願溥清朝化思先正學培前賢祠宇復一奮掃蒿萊



藝文

題詠八

詩餘

題南真觀丹成閣

滿江紅

宋游次公

一騎歸來何太晚  
鬢絲如織謾嘆息  
淒涼往事盡成  
陳迹  
山迥暮煙浮紫翠  
溪搖寒浪翻金碧  
看長虹渴  
飲下青冥危欄溼  
誰可住  
煙蘿側  
俗士駕當回  
勒  
伴巖扃  
須是碧雲仙  
客風月已供無盡藏  
溪山更美  
清涼國  
恨謫仙蘇二  
不曾來  
無人識

建寧府志

卷之四十五

題詠八

二百八十四

滄洲

水調歌頭

朱熹

富貴有餘樂  
貧賤不堪憂  
誰知天路幽險  
倚仗互相  
酬請看東門黃犬  
更聽華亭清唳  
千古恨難收  
何似  
鷗夷子  
散髮弄扁舟  
鷗夷子成霸業  
有餘謀  
致身  
千乘卿相  
歸把釣魚鉤  
春晝五湖煙浪  
秋夜一天雲  
月此外儘悠悠  
永棄人間事  
吾道付滄洲

武夷

水調歌頭

宋唐仲實

武夷最佳處  
晴氣碧於藍  
遠瞻崖壑  
溪曲六六與三  
三莫問塵生滄海  
休歎鶴歸華表  
好景且容揆鐵笛



曉曉睡黑雨滿溪潭 笑神僊畱蛻骨閱空巖幾人  
踽踽不遇太史滯周南最好壇場老子筆底文章如  
許何必事清談暫憇桃花下白馬稅飛驂

又 臨江仙

宋 何守謙

山下青溪溪上渡舟迴九曲皆奇諸峯羅列翠屏圍  
煙霞今閨苑花木昔瑤池 念念神仙無覓處洞天  
畱在靈祠從教猿鶴笑吾癡還山非不樂未忍負明  
府

又 金縷衣

宋 鄭 黻

建寧府志

卷之四十五

題詠八

二

二百九十六

秋牛虹橋路是曾孫幾塵夙幸此生奇遇天上人間  
同宴集仙樂風飄處處遍紛紛非煙非霧光近玉皇  
顏咫尺共歡呼鼇抃霞觴舉高會散碧雲暮 至今  
瑞鶴猶能舞幾千年同亭祠下賽神簫鼓再拜乞靈  
三奠酒小駐霓旌容與半隱約如傳好語為送維魚  
來入夢向龍潭時灑紛紛雨齊和曲踏歌去聽賓雲  
遺曲

太虛巖 蝶戀花

明 丘四可

占壑流連尋趣步漸瀝泉飛寒石煙雲護數椽曲房



羅翠霧幽懷可是人能悟  
風月江山懸客暮爲惜  
芳年聊取柔腸付從昔金蘭多陌路而今管鮑休相  
誤

建寧府志卷之四十五 終

建寧府志

卷之四十五

題詠八

三

全四